

Datum: 15.09.2021. godine  
Broj: 01-10501-1/21

Bosna i Hercegovina  
Federacija Bosne i Hercegovine  
Parlament Federacije, Dom naroda  
Hamdije Kreševljakovića 3  
71 000 Sarajevo

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 16-09-2021			
Org. jed.	Broj	Priloga	Vrijednost
05/2	- 02 -	277	/21

**PREDMET:** Odgovor na delegatsko pitanje

Poštovani,

Na osnovu dostavljenog dopisa Parlamenta Federacije, Dom naroda, broj: 05/2-02-277/21 od 07.09.2021. godine, kojim se JP Autocestama FBiH d.o.o. Mostar postavlja pitanje: "Kada će biti otvoreno 11 km izgrađenih na području županije Posavske tj. u općini Odžak na relaciji Donji Svilaj - Odžak?" dostavljamo vam odgovor:

Izgradnja dionice Svilaj - Odžak je započeta krajem 2013. godine. Naknadno je došlo do podjele radova na 2 faze zbog izgradnje infrastrukturnih objekata koji su usko vezani za samu dionicu kao i različitih organa koji su nadležni za izgradnju tih infrastrukturnih objekata. U ovu svrhu je potpisan Protokol o suradnji nadležnih organa u Bosni i Hercegovini u realizaciji izgradnje graničnog prijelaza Svilaj u cilju osiguranja uvjeta za pripremu i izgradnju graničnog prijelaza Svilaj na sjevernoj graničnoj dionici autoceste na Koridoru Vc. Protokol o suradnji nadležnih organa u BiH su potpisali: Ministarstvo komunikacija i prometa BiH, Ministarstvo finansija i trezora BiH, Uprava za indirektno oporezivanje BiH, Ministarstvo prometa i komunikacija FBiH i JP Autoceste FBiH d.o.o. Mostar. Radi se o tri infrastrukturna objekata čiji završetak je od značaja da bi se pustila u promet dionica autoceste Svilaj- Odžak i povezala sa koridorom Vc kroz Republiku Hrvatsku. To su most Svilaj koji se implementira zajednički od strane Republike Hrvatske i Bosne i Hercegovine, granični prijelaz Svilaj koji se implementira od strane Uprave za indirektno oporezivanje Bosne i Hercegovine i dionica autoceste Svilaj- Odžak koji se implementira od strane JP Autoceste FBiH.

Obzirom na činjenicu da se svi projekti implementiraju od strane različitih institucija došlo je do potrebe koordiniranja između navedenih institucija.

Da bi se iskoordinirale aktivnosti na izgradnji infrastrukturnih objekata prije početka izgradnje je potpisan Protokol o suradnji nadležnih organa u BiH kojim su regulisane obaveze pojedinih institucija, a kako bi se svi radovi završili u isto vrijeme. S obzirom da su radovi na izgradnji mosta Svilaj završeni tek 2020. godine, a da je izgradnja graničnog prijelaza završena u Septembru 2021. godine evidentno je da je to imalo uticaj na dovršetak i puštanje u upotrebu dionice Svilaj- Odžak.

Radovi na dionici Svilaj- Odžak su podjeljni u dvije faze kako bi se pratila dinamika izgradnje i ostala dva infrastrukturna projekta koji su implementirani od drugih nadležnih institucija.



Druga faza radova dionice Svilaj - Odžak je završena 2017. godine, nakon čega je zatražena i upotrebna dozvola za dionicu od Federalnog ministarstva prostornog uređenja, s obzirom da nisu bili završeni priključni infrastrukturni objekti zahtjev je odbijen i vraćen do kompletiranja svih ostalih objekata.

Važno je naglasiti da i pored brojnih izazova u građenju kao što su korištenje posebnih metoda ubrzanja dugotrajnog slijeganja tla, zatim potreba za velikom količinom nasipnog materijala te uz već pomenute podjele radova na faze postignute su i značajne finansijske uštede gdje je procjena da će projekat biti završen oko 4 miliona eura ispod ugovorene cijene.

Ostali objekti su završeni 2020. godine i 2021. godine, te je u međuvremenu obezbijeđena upotrebna dozvola i čekamo na obavijest o datumu puštanja dionice u promet.

Vlada Federacije Bosne i Hercegovine, na 245. sjednici, održanoj 26.11.2020. godine je donijela Uredbu o izmjeni Uredbe o naplati naknade za korištenje autoceste A1, gdje je članom 1. stavkom a) definirana naknada za korištenje autoceste na pravcu Svilaj- Odžak. Na ovaj način su se stekli preduvjeti za naplatu cestarine na navedenoj dionici.

JP Autoceste FBiH d.o.o. Mostar još uvijek nije dobilo službenu obavijest od strane Ministarstva prometa i komunikacija BiH o datumu puštanja u promet mosta Svilaj i graničnog prijelaza.

S naše strane sve je tehnički spremno za puštanje u promet i naplatu cestarine na dionici Svilaj - Odžak. U procesu smo prijema radnika koji bi trebali biti zaposleni na NM Odžak, te samo čekamo zvaničnu obavijest o datumu puštanja mosta Svilaj u promet.

S poštovanjem,

v.d. Direktor

Elmedin Voloder, dipl.ing.građ

Dostaviti:

- naslovu
- evidenciji
- a/a

